

KOLEGJI "BIZNESI"

Nr. 232/20 Data 13.08.20
PRISHTINË

PK. SH.A.
Posta e Kosovës SH.A.
Post of Kosovo J.S.C.
Pošta Kosova D.O.



Nr./No./Br. 01-1435/20
Data/Date/Datum 19-08-2020
PRISHTINË-KAIPUTINA-PRISHTINE

Ndërmarrja Publike Qendrore
Posta e Kosovës Sh.A.

KONTRATA PËR KRYERJEN E SHËRBIMEVE POSTARE

Kjo Kontratë lidhet në mes të:

1. **Posta e Kosovës SH.A.** Adresa; rr. 28 Nëntori, nr. 4, 10,000, Prishtinë, Kosovë. Me numër të biznesit (811285205). E përfaqësuar nga përfaqësuesi ligjor z. **Salih Morina**, U.D. Kryeshef Ekzekutiv i PK SH.A., në tekstin e mëtejme : Kryesi i Shërbimeve, dhe
2. **BIZNESI sh.p.k.** (Kolegji Universitar), Adresa: Motrat Qiriaz, nr 29, Prishtinë, R, Kosovë, me numër të biznesit (70094619), te cilën e përfaqëson, përfaqësuesi ligjor, z. **Shyqeri Kabashi**, Dekan. : Ne tekstin e mëtejme, si Porositësi i shërbimeve.

NDËRSA:

Duke marrë parasysh konsideratat dhe kushtet e premtimet reciproke të parashtruara këtu, personi tjetër juridik i identifikuar në faqen e nënshkrimeve të kësaj Kontrate kryerjen e shërbimeve Postare i identifikuar si, "Kryesi i Shërbimeve" dhe personi tjetër juridik i identifikuar në faqen e nënshkrimeve të kësaj Kontrate si Porositësi i Shërbimeve bien dakord si vijon:

Kontrata për Kryerjen e Shërbimeve Universale Postare.

1. PËRKUFIZIME

Në këtë Kontratë, përveç kur konteksti e kërkon ndryshe, termat e mëposhtme kanë kuptimet e dhëna më poshtë:

KONTRATË : do të thotë kjo marrëveshje, me ndryshimet e herëpashershme.

AFAT : ka kuptimin e dhënë në Nenin 2.

KRYESI I SHËRBIMEVE : do të thotë : Posta e Kosovës SH.A. (PK SH.A)

POROSITËSI I SHËRBIMEVE : do të thotë: BIZNESI sh.p.k. (Kolegji Universitar)

OPERATOR PUBLIK POSTAR : person juridik (Posta e Kosovës Sh.A) i licencuar për ofrimin e shërbimeve universal postare.

SHËRBIM POSTAR : Shërbimet e kryera me pagesë për dërgimin e dërgesave të postës së letrave, pakove, urdhërpagesave si dhe shërbimet e kryera me pagesë të cilat sigurohen nëpërmjet mjeteve për pranimin dhe dërgimin e dërgesave postare.

SHËRBIM UNIVERSAL POSTAR : shërbimet e kryera me pagesë për dërgimin e dërgesave të thjeshta postare deri në dy (2) kg, pakove deri në njëzetë (20) kg, shërbimet e urdhërpagesave dhe shërbimet e veçanta për dërgesat e regjistruara.

DËRGESË E THJESHTË POSTARE : çdo dërgesë postare që nuk regjistrohet ose shoqërohet me ndonjë shërbim të veçantë.

SHËRBIM I VEÇANTË POSTAR : shërbimet me të cilat dërguesi kërkon mënyrë të veçantë të dërgimit, bartjes dhe dorëzimit të dërgesës, ndryshe quhen dërgesat të regjistruara, (dërgesë e porositur "R", dërgesë me fletkthesë "AR", dërgesë me kundërpagesë, shërbimi i shpejtë postar "EMS", etj).

ZYRË POSTARE : hapësirën punuese në të cilën operatori postar ofron shërbime postare

TARIFA POSTARE : ka kuptimin e çmimoreve të shërbimeve postare, të aprovuar nga rregullatori (ARKEP).

PERSONAT KONTAKTUES: ka kuptimin e personit me të cilin bëhen kontaktet në lidhje me zbatimin e mirëfilltë të kësaj kontrate.

2. AFATI I BASHKËPUNIMIT.

2.1. Kjo Kontrate fillon në datën **22/07/2020**, dhe është e vlefshme për një periudhë kohore një(1) vjeçare, përkatësisht deri me datën **21/07/2021**, me mundësi vazhdimi, përveç rastit kur është fjala për zgjidhje të parakohshme të kësaj kontrate, sipas marrëveshjes së palëve kontraktuese.

2.2. Zgjidhja e kontratës është e mundur edhe nëse dispozitat ligjore mbi shërbimet postare e parashohin një mundësi të tillë.

2.3. Personat Kontaktues nga porositësi i shërbimeve, do të jënë: z. **Burim Morina**, nr. Kont. 038 544 878, e-mail info@kolegijbiznesi.com, dhe nga kryesi i shërbimeve, znj. **Teuta.Muharremi@postakosoves.com**, zyrtare përgjegjëse për përcjelljen, kujdesin dhe menaxhimin e zbatimi të kontratës nr. tel; +38344402233, apo edhe nga **Shitja - PK Sh.A**, nr. tel; 038221841.

3. DETYRIMET E PALËVE

3.1. Palët kontraktuese janë marrë vesh që lënda e kontratës të jetë; Pranimi dhe dorëzimi i dërgesave postare në adresën e destinimit.

3.2. Kryesi i shërbimeve obligohet të bënë Pranimin e objekteve postare dhe dorëzimin e këtyre objekteve Postare nëpërmjet formularit - Librit të pranimi.

3.3. Porositësi i Shërbimit në mënyrë alternative mund të regjistroj dërgesat online përmes web faqes www.postakosoves.com, në rubrikën **KLIENTËT** (regjistrimi i dërgesave), para se ti dorëzoj në mënyrë fizike në zyrën postare të PK Sh.A.

3.4. Kryesi i shërbimeve obligohet që objektet postare t'i dorëzojë në afat në adresën e marrësit, sipas procedurave të parapara ligjore dhe udhëzimeve mbi pranim-dorëzimin

e dërgesave postare, kurse për dërgesat postare te pa dorëzuara te ceket arsyeja e mosdorëzimit dhe t'i kthehen marrësit te vulosura dhe te konstatuara.

3.5. Kryesi i shërbimeve obligohet qe te beje verifikimin se a përputhen te dhënat e shënuara ne librin e pranimit me te dhënat e shënuara ne dërgesa (dërgesa postare) dhe te shënojë taksen për secilën dërgesë.

3.6. Porositësi i shërbimit obligohet qe te gjitha dërgesat Postare nga veprimtaria e kryesit te shërbimit t'i dorëzoj ne Zyrat Postare te Postes se Kosoves.

3.7. Porositësi i shërbimit obligohet qe ne dërgesat e veta nuk do te vej materie dhe sende bartja e te cilave është e ndaluar sipas Ligjit mbi shërbimet postare.

4. KUSHTET E PAGESËS:

4.1. Kryesi i shërbimeve për shërbimet e bëra nga neni paraprak i kësaj kontrate përmes faturës ja faturon taksen ne fund te muajit për muajin paraprak ne pajtim me tarifën postare ne fuqi të aprovuar nga ARKEP për llojin e shërbimit që parashihet si produkte të Postës,

4.2. Faturimi do të bëhet sipas ofertës së prezantuar dhe në përputhje me çmimores që është e aprovuar

4.3. Në rastet ku gjate afatit kontraktues me ndonjë vendim institucional nga rregullatori apo operatori publik kemi ndryshim të tarifave të shërbimeve postare, konsumatori obligohet që të paguaj faturat sipas këtyre tarifave të ndryshuara.

4.4. Porositësi i shërbimit obligohet që pagesën për taksen postare dhe shërbimin e kryer të bëjë në llogarinë bankare të Postës së Kosovës SH.A. sipas faturës se dorëzuar, në afat prej 15 ditëve me shenjen për te hyrat e "Posta e Kosovës SH.A".

4.5. Kryesi i shërbimeve postare kryhen shërbimet postare sipas tarifës/çmimores ne fuqi te miratuar nga **ARKEP**-i (Autoriteti Rregullativ i Komunikimeve Elektronike dhe Postare), të cilën mund të gjeni ne web- faqen: www.postakosoves.com

5. ZGJIDHJA E KONTRATES:

5.1. Kontrata fillon me rastin e nënshkrimit nga te dyja palët dhe është e vlefshme në afat prej një(1) viti, me mundësi vazhdimi,

5.2. Para skadimit të afatit të kontratës 30 dite përpara duhet te shqyrtojnë mundësinë e vazhdimit te kontratës dhe bashkëpunimit, me kërkesën paraprake me shkrim për vazhdim nga ana e porositësit te shërbimit.

5.3. Palët kontraktuese mund te zgjidhin kontratën edhe para përfundimit te afatit ne piken 2.1. duke e njoftuar njëra tjetrën se nuk dëshirojnë te vazhdojnë bashkëpunim, me kërkesën me shkrim 30 dite përpara.

5.4. Secila pale mund te ndërpresë njëanshëm kontratën për kryerjen e shërbimeve postare, brenda afatit kontraktues, kurdo qe e vlerëson se ka efekte negative afariste, duke njoftuar njëra tjetrën me shkrim brenda afatit prej 15 ditësh.

6. NDRYSHIMI I STATUSIT

6.1. Kryesi i Shërbimeve rezervon të drejtën e plotë të transferojë këtë Kontratë në rastin e ndryshimit të pronësisë pasardhësve të tij ose ndonjë subjekti të tij ndaj çdo Kompanie, pa qenë nevoja të marrë miratimin e Porositësit te Shërbimeve, dhe ky transferim do të bëhet efektiv në datën kur Kryesi i Shërbimeve i jep njoftim Porositësit te Shërbimeve.

6.2. Ndryshimet ndaj kësaj Kontrate mund të bëhen vetëm me shkrim, me nënshkrime të përfaqësuesve të autorizuar të secilës palë ose pasardhësve të tyre,

6.3. Çdo çështje e patrajtuar në këtë Kontratë do të zgjidhet me pajtimin dhe shqyrtimin e palëve kontraktuese në përputhje me Ligjin mbi Shërbimet Postare.

7. PËRGJEGJËSIA

7.1. Operatori publik Postar, të gjitha shërbimet nga veprimtaria e tij, do ti trajtoj në përputhje me Ligjin për shërbime Postare Nr. 06/L-038, dhe Udhëzimin Administrativ Nr. 2005/4/02.

7.2. Shërbimi postar ndërkombëtar realizohet në përputhje të plotë me dispozitat e këtij ligji, aktet e Unionit të Përgjithshëm Postar dhe në bazë të standardeve ndërkombëtare që kanë të bëjnë me shërbimet postare.

7.3. Kryesi i Shërbimeve do të jetë përgjegjës për çdo dëm të shkaktuar mbi pajisjet për shkak të akteve ose mosveprimeve të tij nga pakujdesia keqshfrytëzimi ose keqpërdorimi prej anëtarëve të personelit të tij i natyrës penale, qoftë ky i prekshëm ose i paprekshëm në secilin prej rasteve të lartpërmendura që ndodh gjatë përmbushjes ose në lidhje me përmbushjen e kësaj Kontrate. Kryesi i Shërbimeve nuk mban përgjegjësi nëse këto janë të natyrës që përshkruhet në Nenin 8 (Forcë Madhore).

7.4. Çdo dërgesë postare që është objekt reklamacioni do të trajtohet sipas ligjeve dhe akteve nënligjore që janë në fuqi në kohën e paraqitjes së reklamacionit.

8. FORCA MADHORE:

8.1. Nëse, në çdo kohë, gjatë Afatit të kësaj kontrate përmbushja plotësisht ose pjesërisht nga secila Palë e çdo detyrimi sipas kësaj kontrate pengohet ose vonohet për shkak të luftës, luftës civile, armiqësisë, akteve të armikut publik, rebelimit, revolucionit, fuqisë ushtarake ose të uzurpimit, shqetësimeve civile, demonstratave ose kërcënimeve të menjëhershme lidhur me gjithë si më lart, sabotazhit, zjarrit, përmytjes, shpërthimeve, epidemive, kufizimeve për shkak të karantinës, shqetësimeve në furnizime nga burime normalisht të besueshme (ku përfshihen por jo vetëm elektricitet, ujë, naftë dhe të ngjashme), greva, përjashtime, vendime qeveritare ose ndonjë ngjarje tjetër jashtë kontrollit të arsyeshëm të Palës në fjalë (këtu e më poshtë e përmendur si "ndodhia"), atëherë përmbushja e këtyre detyrimeve do të falet në masën që u pengua ose u vonua dhe pala e prekur ka marrë njoftim për këtë ndodhi nga Pala tjetër brenda pesëmbëdhjetë (15) ditësh nga data e ndodhisë duke pasur parasysh që ngjarja e e çdo ndodhie nuk justifikon asnjë detyrim të secilës Palë për të kryer pagesa. Asnjëra Palë, për shkak të ndodhisë, nuk ka të drejtë të zgjidhë këtë kontrate ose të ngrejë pretendime për dëme kundër palës tjetër në lidhje me mospërmbushjen ose vonesën në përmbushje. Përmbushja e detyrimeve të cenuara duhet të rifillojë sapo të jetë praktike pas përfundimit ose pushimit të ndodhisë në fjalë. Nëse përmbushja tërësisht ose pjesërisht e ndonjë detyrimi sipas kësaj kontrate vonohet për shkak të ndonjë ndodhie të tillë për një periudhë që tejkalon tre (3) muaj, Palët do të takohen dhe rishikojnë në mirëbesim dëshirueshmërinë dhe kushtet për zgjidhjen e kontratës.

9. MARRËVESHJA E PLOTË:

9.1. Palët pohojnë dhe bien dakord se gjithë marrëveshjet dhe mirëkuptimet mes tyre marrin fund që prej datës efektive të kësaj kontrate: me kusht, që të gjitha shumat që

Adresa; rr. 28 Nëntori, nr. 4. 10,000 Prishtinë, Republika e Kosovës.
Numër telefoni +381 (0) 38 220 861; Numër faksi + 381 (038) 247 787

Adresa e internetit: www.postakosoves.com

përbëjnë detyrim ndaj secilës Palë sipas marrëveshjes së mëparshme mbeten ende detyrime dhe të pagueshme.


10. LIGJI DHE JURIDIKSIONI:

10.1 Kjo Kontratë qeveriset nga Ligji Kosovar, dhe është nën juridiksionin e Gjykatave të Prishtinës.

10.2 Në rast të çdo mosmarrëveshjeje që lind për shkak ose në lidhje me përmbushjen ose interpretimin e kësaj kontrate, Palët bien dakord të takohen dhe të negociojnë në mirëbesim për të arritur një zgjidhje miqësore, në mungesë të së cilës, vendimin për zgjidhje të mosmarrëveshjes do ta marrë gjykata kompetente e Prishtinës.

10.3 Kjo Kontratë hartohet dhe nënshkruhet në tre **(3)** kopje origjinale, një **(1)** për pale kontraktuese, dy **(2)** për PK Sh.A.

NËNSHKRUHET PËR DHE NË EMËR TË KRYESIT TE SHERBIMEVE


z. **Salih Morina** – U.D. Kryeshf Ekzekutiv, PK SH.A.

Datë: 18/08/2020

NËSHKRUHET PËR DHE NË EMËR TË POROSITESIT TE SHERBIMEVE


z. **Shyqeri Kabashi** - Dekan, Biznesi sh.p.k. (Kolegji Universitar).

Datë: 18/08/2020